

## Universal Declaration of Human Rights - Akan (Akuapem)

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

---

### AMANSAN MPAEMUKA A ƐFA ONIPA BIARA KYEFA HO

#### NHYENMU

Esiane sɛ nidi ne biakoyɛ ne hokwan a adesamma abusua no wɔ no ne ahofadi, atɛntrenee ne asomdwoe a ewɔ wiase no nhyɛase,

Esiane sɛ obu a wommu ne animtiaa a wɔde bu onipa biara Kyefa no akowie atirimɔdenne ahorow mu no apusuw wiase no ahonim, ne ɔhwɛ a yɛhwɛ kwan sɛ wiase bi reba a adesamma benya ahofadi wɔ ɔkasa ne gyidi ho, na wɔabɔ dawuru sɛ osuro ne ohia jo ahofadi ne ɔmanfo botae,

Esiane sɛ nea ɛbɛyɛ na ɔmanfo remfa atuategu kwan so sɛ nea etwa to de atu atirimɔden ne nhyɛso agu, nti, ɛsɛ sɛ yɛde mmara sodi bɔ onipa biara kyefa ho ban,

Esiane sɛ ɛho hia sɛ yɛbɛma ayɔnkofa abɛda aman horow ntam,

Esiane sɛ nnipa a wɔwɔ Amanaman Nkabom no Mmara no mu no agye sɛ wogyɛ onipa biara kyefa tom, na wogyɛ tom sɛ onipa desani biara nya ne kyefa, nidi ne ɔsom a wɔsom bo; afei wogyɛ mmarima ne mmea Kyefa tom, na wɔabɔ mmɔden sɛ wɔbɛma ɔmanfo atu mpɔn wɔ asetena pa mu wɔ ahofadi bebreɛ mu,

Esiane sɛ Kuw Mma ahyɛ bɔ sɛ wɔne Amanaman Nkabom mo bɛyɛ biako de ama aman nyinaa anya obu ama onipa biara kyefa ne ahofadi ahorow no

Esiane sɛ Kyefa ne ahofadi ahorow ho hia sen biara na ama bɔhyɛ yi aba mu koraa nti,

Ɛnde, Afei,

Kuw Kɛsɛ No

Pae mu ka

Amansan Mpaemuka a ɛfa Onipa Biara Kyefa ho no

Sɛ mmɔdenbɔ gyinapɛn ma nkurɔfɔ ne aman nyinaa, a yɛn botae ne sɛ nnipa nkɔrɛnkɔrɛ ne aman nyinaa bɛkaɛ saa Mpaemuka yi bere nyinaa, na wɔnam ɔkyɛrɛkyɛrɛ ne nhomasua so akyerɛ obu ama saa kyefa ne ahofadi ahorow yi, na wɔde nkakrankakra ama nnipa a wɔwɔ wɔn a wɔwɔ amannɔne ate ase, agye atom, adi so pɛpɛrɛpɛ wɔ nnipa a wɔwɔ Kuw Mma no ankasa man mu, ne ɔmanfo a wɔtete wɔn nsasesin mu.

#### Ahyɛde 1

Wɔawo adesamma nyinaa sɛ nnipa a wɔwɔ ahofadi. Wɔn nyinaa wɔ nidi ne kyefa koro. Wɔwɔ adwene ne ahonim, na ɛsɛ sɛ wobu wɔn ho wɔn ho sɛ anuanom.

#### Ahyɛde 2

Ɛsɛ sɛ obiara nya kyefa ne ahofadi ahorow a wɔaka ho asɛm wɔ Mpaemuka yi mu no a nnipa animhwɛ anaa nyiyim nni mu, te sɛ ebia abusua a ofi mu, ahosu, sɛ ɔyɛ ɔbea anaa ɔbarima, sɛ ɔka kasa bi anaa ɔwɔ kuw bi mu, sɛ ɔwɔ ahode, sɛ wɔwɔ no ɔkwan bi so no mfa ho koraa.

**Bio, wɔrenye nyiyim biara esiane obi amanyɔ anaa ɔman anaa asase a obi fi so no nti. Emfa ho hwee se ɔman no de ne ho anaase ebata ɔman foforo bi ho, anaa nso enni n; ankasa ho so, anaase ɔman foforo bi na edi wɔn so.**

### **Ahyɛde 3**

**Obiara wɔ nkwa, ahofadi ne ne nipaban ho ahobanɔ.**

### **Ahyɛde 4**

**Wɔremfa obiara nkɔ nkoasom anaa nkoaye mu. Wɔabara nkoasom ne nkoatɔ ne nea etete saa nyinaa.**

### **Ahyɛde 5**

**Ense se wɔde aninyanne, atirimɔden, ne nea emfata se wɔde ye nnipa anaa ayayade biara twe obiara aso.**

### **Ahyɛde 6**

**Mmara mu no, onipa biara wɔ ho kwan se wogyɛ no tom se onipa.**

### **Ahyɛde 7**

**Nnipa nyinaa ye pɛ wɔ mmara anim, na ese se wɔnam mmara so bɔ obiara ho ban a nyiyim biara nni mu. Obiara wɔ banɔ koro no ara a esiw nyiyim a ese Mpaemuka kwan no kyɛfa no bi.**

### **Ahyɛde 8**

**Obiara wɔ nea ne man asennii mmara ahyehye ato hɔ a wɔye de pata nea obi afom no no hokwan anaa kyɛfa.**

### **Ahyɛde 9**

**Wɔrenkyere obi, mfa no nto afiase anaa wɔrempam no mfi ne man mu ɔkwa are kwa.**

### **Ahyɛde 10**

**Obiara wɔ hokwan se asennifo a wonni obiara afa a wɔnye nyiyim di n'asɛm wɔ peteem sɛnea wɔye onipa biara, de kyɛre ne kyɛfa ne n'asɛde ahorow wɔ mmarato bi a wɔde tia no ho.**

### **Ahyɛde 11**

- 1. Asɛm a obi di na odi mu fɔ ma wɔtwe n'aso no wɔremfa nto onipa biara so gye se wɔnam mmara so adi onii no asɛm wɔ n'akyigyinafo anim abu no fɔ ansa.**
- 2. Se obi ye bɔne bi na akyiri yi wohu se anka ese se wɔtwe n'aso, nanso bere a onii yo yɛe saa bɔne no, na ne man anaa ne man ne aman foforo bi mmɔɔ mu nyɛe mmara bi a etia bɔne no a, ɛnde ense se wɔtwe ɔdebɔneyɛfo no aso. Saa ara nso na wɔreemfa asotwe a emu ye duru mma bɔne bi nsen nea ɛwɔ hɔ bere a wɔyɛe saa bɔne no.**

### **Ahyɛde 12**

**Wɔremfa nea mmara nnim biara so nhiahia obiara ho wɔ ne kokoamsem, n'abusua, ne fi ne ne mfɛfo ntam asɛm bi ho. Saa ara na wɔrentiatia ne nidi ne n'anuonyam so. Obiara wɔ banɔde yi kyɛfa a mmara taa akyi.**

### **Ahyɛde 13**

- 1. Obiara wɔ kyɛfa anaa hokwan se okyinkyin anaa ɔtena baabiara wɔ nea ne man ahye ano kɔka.**

**2. Obiara wɔ ne kyɛfa anaa hokwan sɛ ofi ɔman biara mu, a n'ankasa de ka ho, na ɔsan kɔ ne man mu bio.**

#### **Ahyɛde 14**

**1. Obiara wɔ kyɛfa anaa hokwan sɛ esiane amanyɛsem ho ɔtaa bi nti ɔkɔ ɔman foforo bi mu kɔpɛ guankɔbea.**

**2. Saa Kyɛfa anaa hokwan yi yera bere a guankɔ no nnyina amanyɛsem mu amanenya anaa Amanaman Nkabom gyinae so.**

#### **Ahyɛde 15**

**1. Obiara wɔ kyɛfa anaa hokwan sɛ ɔyɛ ɔmanba wɔ baabiara.**

**2. Wɔremfa biribi a ennam mmara so nsiw obiara manbayɛ ho kwan. Sɛ obi pɛ sɛ ɔsakra ne manbayɛ fi baabiara nso a, wɔrensiw no kwan.**

#### **Ahyɛde 16**

**1. Sɛ mmarima anaa mmea bi du wɔn mpanyin afe so, na wɔn abusua, wɔn man anaa wɔn asɔre mu nhyehyɛ nsiw wɔn mu ni kwan a, ɛnde wɔkɔ kyɛfa anaa hokwan sɛ wɔware kyekye abusua. Wɔn nyinaa wɔ aware mu kyɛfa pɛ wɔ wɔn aware ne wɔn awaregu berem.**

**2. Okunu ne ɔyere nko ara na ɛsɛ sɛ wɔpene so ka wɔn aware bom sɛ awarefo.**

**3. Okunu ne ɔyere ne mma abusuabɔ no ne kuwye abɔse fekuw biara mu, ɛsɛ sɛ fekuw anaa ɔman no bɔ saa abusuakuw yi ho ban.**

#### **Ahyɛde 17**

**1. Obiara wɔ ho kwan sɛ ɔno nko ara pɛ ahonyade anaasɛ ɔne afoforɔ pɛ bi.**

**2. Wɔremfa nea eenyina mmara so nnye obi ahonyade mfi ne nsam.**

#### **Ahyɛde 18**

**Obiara wɔ adwenem nsusuwii, ahonim ne nyamesom biara a ɔpɛ ho kyɛfa anaa ɛho kwan. Saa kyɛfa anaa hokwan yi ma obi de ne ho sɛ ɔbesakra ne nyamesom anaa ne gyidi, ɛma obiara de ne ho sɛ ɔhwɛhwɛ ankorankoro anaa ɔdodow nyamesom, anaa ɔne afoforo bom som wɔ peteem anaa kokoam, nam so yi ne nyamesom anaa gyidi adi wɔ kyɛkyɛ, nneyɛ ne ɔsom mu.**

#### **Ahyɛde 19**

**Obiara wɔ ne kyɛfa anaa hokwan sɛ ɔka n'adwene ne nsusuwii. Saa kyɛfa yi ma obiara kura ne nsusuwii mu a obiara nnye no asabawmu. Ɔwɔ hokwan sɛ ɔhwɛhwɛ anaa otie adesuada ne nsusuwii biara, na ɔno nso nam ɔkwan biara so ma afoforo te a aman ahyɛ nsiw eyi ho kwan.**

#### **Ahyɛde 20**

**1. Obiara wɔ hokwan sɛ ɔkɔ asomdwoe nhyiam ase anaa ɔdɔm fekuw biara.**

**2. ɛnsɛ sɛ wɔhyɛ obiara sɛ ɔnkɔdɔm fekuw bi.**

#### **Ahyɛde 21**

**1. Obiara wɔ hokwan sɛ onya kyɛfa wɔ ne man mu Aban mu, sɛ ɛyɛ tee anaa ɛnam ananmusifo so.**

**2. Obiara wɔ kyefa koro wɔ ne man nu ɔsom adwuma ho.**

**3. Ɔmanfo no pɛ na ɛbɛyɛ Aban no nnyinaso. Wɔnam abatow a wɔnam so paw nnipa a ɛyɛ kokoam ɔdodow adeyɛ a wɔahyehyɛ ne bere ato hɔ so na ɛbedɔ ɔpɛ yi adi.**

#### **Ahyɛde 22**

**Onipa biara, sɛ ɔyɛ fekuw muni yi, wɔ ne kyefa wɔ akyigyina a ɔman no anaa ɔman no ne aman afoforo abom apere anya no ho sɛnea ɔman no nhyehyɛ ne sikasɛm te. Onipa biara wɔ sikasɛm, ɔmanbayɛ ne amammɛ ho kyefa a ɛho hia ma ne nidi ne ne nipasu.**

#### **Ahyɛde 23**

**1. Obiara wɔ adwumayɛ ho kyefa, ɔde ne ho sɛ ɔpaw adwuma a ɔpɛ sɛ ɔyɛ, ɔwɔ adwumayɛ mu nhyehyɛ pa ne emu banɔ no ho kyefa.**

**2. Obiara wɔ adwumayɛ ne ɛso akatua a wɔde ma no ho kyefa a nyiyim biara nni mu.**

**3. Obiara a ɔyɛ adwuma no wɔ ne kyefa a ɛsɛ sɛ onya wɔ akatua a ɛfata a ɛbɛma ɔne n'abusuafo anya atenayɛ a ɛfata onipa nidi ho. Sɛ ɛhia nso a, ɛsɛ wɔde fekuwɔ mu akyigyina ka ho.**

**4. Ɛyɛ obiara kyefa sɛ ɔhyɛ adwumayɛfo fekuw ase anasɛ nso ɔɔm bi, na ɔnam so ɔɔ ne yiyedi ho ban.**

#### **Ahyɛde 24**

**Obiara wɔ ɔhome ne ɔnnɔdi bere ho kyefa. Nnɔnhwerew a wɔahyehyɛ sɛ wɔde yɛ adwuma a ɛmmoro so ne adwuma mu akwamma bere a wotua odwumayeni no ka nso ka ho.**

#### **Ahyɛde 25**

**1. Obiara wɔ ne kyefa anaa hokwan sɛ ɔne n'abusuafo nya asetena yi mu yiyedi a ɛma ɔne n'abusuafo nya ahɔden ne asetena pa. Aduan, adurade, afi, ayaresa ne fekuw mu ɔsom adwuma nso ka ho. Saa ara nso na ɛyɛ obiara kyefa sɛ onya akyigyina a wɔde ma obi a onni adwuma bi yɛ anaa ɔyare anaa odi kuna anaa wabɔ akora anaa aberewa anaa asetena mu ahyiakwa mma n'ani nwie gye wɔ asetena mu ho.**

**2. Ɛsɛ sɛ wɔde ɔhwɛ pa hwɛ ɔbaatan ne ɔba biara. Ɛmfa ho hwɛ sɛ mmofra bi yɛ awarefo mma anaa mpenafo mma. Ɛsɛ sɛ wɔn nyinaa nya wɔn kyefa wɔ asetena mu banɔ ho.**

#### **Ahyɛde 26**

**1. Obiara wɔ ho kwan sɛ osua ade. Anyɛ yiye koraa no, ɛsɛ sɛ obiara nya sukuuko anaa adesua kwa wɔ ne mmofraase wɔ nneɛma nketenkete bi ho. Ɛsɛ sɛ wɔde ɔhyɛ to ho ma obiara nya mmofraase adesua. Mfiridwuma ho adesua ne dwumadi ahorow no sua anaa sukuupɔn mu adesua ho de, obiara benya ne kyefa sɛnea n'adwene ne ne mmɔdenɔ kyɛɛ.**

**2. Ɛsɛ sɛ adesua nyinaa botae yɛ nea ɛhwɛhwɛ nkɔso ma onipadua ne obu mu denhyɛ ma adesamma kyefa a ɛfa nnipa ahofadi horow no ho. Eyi bɛma ntease, denyɛ ne ayɔnkofa aba aman, mmusua anaa asɔre horow nyinaa ntam. Ɛbɛhyɛ Amanaman Nkabom no den ama asomdwoe aba wiase.**

**3. Awofɔ wɔ kyefa anaa hokwan a ɛso sɛ wɔbɛpaw nhomasua ko a wɔpɛ ama wɔn mma.**

#### **Ahyɛde 27**

**1. Obiara wɔ ne kyefa anaa hokwan sɛ ɔde ne ho fra kwasafɔ amammɛ mu. Ɔwɔ ne kyefa anaa hokwan wɔ mfaso a efi nyansasua ne abɔdemuhwɛhwɛ mu ba no mu.**

**2. Obiara wɔ nnepa a efi abɔdemuhwehwɛ, nhomasua anaa nsaanodwuma adeyɛ bi a ɔde ne nsusuwii ama aba no mu kyɛfa.**

#### **Ahyɛde 28**

**Obiara wɔ ho kwan sɛ onya fekuw anaa amanaman nhyehyɛ a ekura kyɛfa ne ahofadi horow a wɔabobɔ din wɔ Mpaemuka yi mu no mu.**

#### **Ahyɛde 29**

**1. Obiara wɔ ne kwasafɔ asɛde a ɛno mu na sɛ ɔyɛ a, ɔnam so ma onyin a ne nipadua nyin no wie pɛyɛ.**

**2. Ansa na obiara benya ne kyɛfa ne ahofadi no, gye sɛ ɔno nso ayɛ nea mmara hwehwɛ wɔ ne ho sɛ ɔyɛ ma afoforo ma wɔn nso nya wɔn kyɛfa ne ahofadi. ɛsɛ sɛ onii no bɔ ɔbra pa, na ɔkyerɛ obu ma guasodeyɔ ne ɔdodow amammu mu yiyedi.**

**3. ɛnsɛ sɛ saa kyɛfa anaa ho kwan ahorow yi yɛ nea ɛne Amanaman Nkabom no atitimpɔw ne gyinapɛn bɔ abira.**

#### **Ahyɛde 30**

**ɛnsɛ sɛ onipa biara kyerɛ nsɛm a ɛwɔ Mpaemuka yi mu no ase sɛ ɛyɛ ade bi a ɛma ɔman, fekuw anaa onipa bi kyɛfa anaa tumi, nam so sɛ kyɛfa ne ahofadi horow a wɔabobɔ din wɔ nhoma yi mu no.**

---